

শিক্ষার্থীদের জিজ্ঞাসিত প্রশ্ন এবং তার উত্তর

জেলাঃ নড়াইল

১। id হ্যাক হলে কি করব?

উত্তর

আপনার ফেসবুক আইডি হ্যাক হওয়া মাত্রই নিম্নলিখিত পদক্ষেপ নিতে পারেন। ১. প্রথমে <http://www.facebook.com/hacked> লিঙ্কে প্রবেশ করুন। ২. এরপর “My account is compromised” বাটনে ক্লিক করুন। হ্যাক হওয়া অ্যাকাউন্টের তথ্য চাওয়া হলে সেখানে উল্লেখ করা দুটি অপশনের (ইমেইল বা ফোন নম্বর) যে কোনো একটির ইনফরমেশন দিন। ৩. প্রদত্ত তথ্য সঠিক হলে প্রকৃত অ্যাকাউন্টটি দেখাবে এবং আপনার বর্তমান অথবা পুরাতন পাসওয়ার্ড চাইবে। এখানে আপনার পুরাতন পাসওয়ার্ডটি দিয়ে কন্টিনিউ করুন। ৪. হ্যাকার যদি ইমেইল অ্যাড্রেস পরিবর্তন না করে থাকে তবে আপনার ইমেইলে রিকভারি অপশন পাঠানো হবে। এর মাধ্যমে অ্যাকাউন্ট উদ্ধার করা সম্ভব। ৫. হ্যাকার যদি ইমেইল অ্যাড্রেস, ফোন নম্বরসহ লগইন করার জন্য প্রয়োজনীয় তথ্য পরিবর্তন করে থাকে তবে Need another way to authentication? -> Submit a request to Facebook এ ক্লিক করলে ফেসবুক প্রোফাইলটি উদ্ধারের জন্য প্রয়োজনীয় তথ্য ও আইডি সরবরাহের ফর্ম পূরণের মাধ্যমে হ্যাকড অ্যাকাউন্ট উদ্ধার করা সম্ভব। সোশ্যাল মিডিয়া হ্যাকিংয়ের শিকার হলে আপনি স্বশরীরেও সিআইডিআর সাইবার পুলিশ সেন্টারে গিয়ে অভিযোগ জানাতে পারেন। সর্বোপরি ফেসবুক হ্যাক হলে যত দ্রুত সম্ভব নিকটস্থ থানা পুলিশকে অবহিত করুন। আইনগত প্রতিকারঃ ডিজিটাল নিরাপত্তা আইনের ৩৪ ধারা অনুযায়ী হ্যাকিং একটি আমলযোগ্য অপরাধ। সুতরাং ডিজিটাল নিরাপত্তা আইনে প্রয়োজনীয় আইনগত ব্যবস্থা গ্রহণ করা যাবে। যদি কোনো ব্যক্তি হ্যাকিং করেন, তাহ হলে সেটা হবে একটি অপরাধ এবং উক্ত ব্যক্তি অনধিক ১৪ (চৌদ্দ) বৎসর কারাদণ্ডে বা অনধিক ১ (এক) কোটি টাকা অর্থদণ্ডে বা উভয় দণ্ডে দণ্ডিত হইবেন। উল্লিখিত অপরাধ দ্বিতীয় বার বা পুনঃপুন সংঘটন করেন, তা হলে তিনি যাবজ্জীবন কারাদণ্ডে বা অনধিক ৫ (পাঁচ) কোটি টাকা অর্থদণ্ডে বা উভয় দণ্ডে দণ্ডিত হইবেন।

২। কিভাবে facebook id হ্যাক হয়?

উত্তর

হ্যাকাররা বিভিন্নভাবে ফেসবুকে একাউন্টের পাসওয়ার্ড সংগ্রহ করে থাকে। এজন্য পাসওয়ার্ডে ইংরেজী শব্দের পরিবর্তে সাংকেতিক চিহ্ন, সংখ্যা ইত্যাদি ব্যবহার করা উচিত, যাতে পাসওয়ার্ডটি সহজে অনুমান করা সম্ভব না হয়। এছাড়াও টু ফ্যাক্টর অথেন্টিকেশন ব্যবহার করার মাধ্যমে পাসওয়ার্ড অধিক সুরক্ষিত করা যায়।

৩। না জেনে ফেসবুক পেজ ফলো করা উচিত কিনা?

উত্তর

অপরিচিত লোকের ফেসবুক পেজ ফলো করা যেতে পারে। তবে লক্ষ্য রাখতে হবে সেই ফেসবুক পেজে যাতে আপত্তিকর কন্টেন্ট, বে আইনি পোস্ট বা রাষ্ট্রবিরোধী কোন কাজ করা না হয়।

৪। মাধ্যমিক স্তরে ফেসবুক ব্যবহার যুক্তিযুক্ত কিনা?

উত্তর

ফেসবুক একাউন্ট খোলার সর্বনিম্ন বয়স হচ্ছে ১৩। আঠারো বছরের নীচে কেউ যদি ফেসবুক ব্যবহার করে সেক্ষেত্রে অভিভাবকদের এ ব্যাপারে লক্ষ্য রাখা উচিত।

৫। ফিশিং কি?

উত্তর

ফিশিং হচ্ছে অনলাইনে আকর্ষণীয় বা লোভনীয় প্রস্তাব দিয়ে কাউকে প্রতারণা করা।